

*In Gran Conseio.**Capitanio dil Golpho.*

† Sier Francesco Dandolo fo capitanio di le galie di Alexandria, qu. sier Zuanne	1339.165
Sier Zuan Zustignan fo soracomito qu. sier Lorenzo, qu. sier Lunardo cavalier, procurator	546.964
Sier Vetor Soranzo fo governorator a Trani, qu. sier Mafio qu. sier Vetor, cavalier, procurator	496.1010

Uno di la Zonta.

Sier Marco Antonio Bernardo fo a le Raxon vechie, qu. sier Antonio dottor, cavalier	705. 770
† Sier Marin Sanudo fo di la Zonta, qu. sier Lunardo	858. 605
Sier Nicolò Donado fo podestà a Vicenza di sier Andrea, qu. sier Antonio el cavalier	724. 752
Sier Polo Bragadin fo proveditor a le biave, qu. sier Zuan Alvise	466.1012

180* *A dì 22, la matina. Non fo alcuna lettera da conto, solum una da Sibinico di sier Bernardo Balbi conte e capitanio di , il sumario di la qual scriverò qui avanti.*

Vene l'orator cesareo solicitando la risposta di le 2 decime del clero vol meter il pontefice nel dominio nostro per pagar le zente cesaree è in Italia, poi disse: Serenissimo prencipe vui fe' tanti Pregadi, prego l'eterno Dio vi lassi deliberar il meglio.

Da poi disnar fo Pregadi per expedir la materia principiata. Et col nome del Spirito Santo io Marin Sanudo entrai ch'è anni più non sono stato, et non fo leto alcuna lettera. Fo, poi reduti, per il canzelier grandio ditto, chi è intrà in questo Conseio che non è stà in li consigli precedenti si vadino a dar in nota alli signori Capi di X et tuor il sacramento di la credenza.

Da poi, sier Nicolò Sagudino secretario, fo leto le oppinion numero 5 di risponder al reverendo episcopo di Verona alla proposta et scrittura dete in Collegio.

La prima di Savi di Consiglio, exceto sier Luca

Diarii di M. SANUTO. — Tom. LV.

Trun procurator et sier Gasparo Contarini e Savi da Terra ferma, exceto sier Zuan Dolfìn, *videlicet post verba generalia* risponder nulla quasi per la condition in la qual se trovemo col Signor turco.

La seconda di sier Sebastian Justinian el cavalier, consier et sier Gasparo Contarini, vol si rispondi che

La terza di sier Lunardo Emo al consier vol si rispondi a un modo quasi simile.

La quarta di sier Pandolfo Morexini el consier vol la parte di Savi con una zonta exortar il papa a far la pace.

La quinta di sier Luca Trun procurator et sier Zuan Dolfìn voleno a un altro modo, *videlicet* dir non mancaremo di far per conservation dil Stado nostro.

Et prima parlò per la sua oppinion sier Pandolfo Morexini sopraditto.

Da poi parlò sier Francesco Donado el cavalier savio dil Conseio, ben, per l'oppinion di Savi.

Da poi sier Gasparo Contarini savio dil Conseio, per la soa, e fe' remover alcune parole.

Da poi sier Zuan Dolfìn savio a Terra ferma, per l'oppinion dil Trun et soa.

Da poi sier Marin Morexini è di Pregadi qu. sier Polo qual non vol ni una ni l'altra, manco mal quella di Savii, vol prima si scrivi a Constantinopoli.

Da poi sier Lunardo Emo el consier, per la sua oppinion.

Da poi sier Alvise Gradenigo fo savio dil Conseio, vol

Da poi sier Andrea Mozenigo et dottor fo avogador non li piace le parte in tante parole, responder brieve, et laudò più presto la parte di Savi.

Et compite queste renga, sier Sebastian Justinian el cavalier consier prima se rimosse et intrò in la opinion di Savii, sier Nicolò Bernardo, sier Hironimo da cà da Pexaro consieri, sier Alvixe Bon, sier Hironimo Sagredo intrò in la ditta oppinion, sier Zuan Barbarigo cao di XL intrò in l'oppinion di sier Pandolfo Morexini el consier, andò le parte: 15 non sinceri, 17 di no, 9 di sier Gasparo Contarini, 25 di sier Luca Trun e sier Zuan Dolfìn, 5 di sier Pandolfo Morexini, 10 di sier Lunardo Emo, 129 di 3 Consieri et 2 Cai di XL et 4 Savi dil Conseio et 4 Savi a Terra ferma, et questa fu presa, con questa condition in tutte le parte che non si daga questa risposta fino non si habbi scritto a Constantinopoli, qual sarà doman.